

S T A T U T

I SHOQATES

“ INSTITUTI I KONTABILISTEVE TE MIRATUAR “

PERMBLEDHJE

Objekti dhe Qellimi IKM

Ne nenet 1 dhe 3 te Statutit te IKM percaktohen qellimi dhe objekti i veprimtarise se Institutit te Kontabilisteve te Miratuar dhe konkretisht:

Neni 1

Shoqata “ **INSTITUTI I KONTABILISTEVE TE MIRATUAR** “, eshte nje grupim i krijuar me vullnetin e lire te profesionisteve qe jane pajisur me deshmine “Kontabel i Miratuar”, si dhe te kandidatave qe deshirojne te aplikojne per t’u paisur me kete Deshmi.

Shoqata “ **INSTITUTI I KONTABILISTEVE TE MIRATUAR** “ eshte nje organizate jo fitimprures, jo qeveritare, qe e ushtron veprimtarine e saj duke u bazuar ne despozitat e ketij statuti dhe ne legjislacionin shqiptar ne fuqi.

Neni 3

Objekti i veprimtarise se IKM

-te siguroje organizimin e drejtimin e perhershem te specialisteve qe posedojne deshmine ”Kontabel i Miratuar” si dhe kandidatave qe deshirojne te aplikojne per t’u paisur me deshmine ”Kontabel i Miratuar”,

- te mbroje interesat profesionale te tyre, duke kerkuar garancite, e duhura per kompetencat, pavarsine dhe bindjet profesionale.

-te bashkerendoje punen me Keshillin Kombetar te Kontabilitetit, me Ministrine e Financave dhe me organizima te tjere te interesuara ne fushen e Kontabilitetit, per probleme te organizmit te Kontabilitetit, te dokumentacionit kontabel, per studime e punime ne permirësimin e dispozitave ligjore te kontabilitetit, standartet e kontabilitetit, standartet profesionale, rregullimet ligjore per profesionin, per organizimin e provimeve dhe paisjen me Deshmine “ Kontabel i Miratuar ” dhe të certifikatave dhe dëshimive të ngjashme, etj.

-te organizoje lidhje dhe bashkepunim me institucione e organizma homologe brenda e jashte vendit.

-te mbikqyre zbatimin e standarteve kontabel nga anetaret e saj, te kodit te sjelljes dhe te disiplines profesionale.

- te siguroje mbrojtjen e profesionit, te nderit e pavarsise se anetareve te saj.
- te siguroje kualifikimin e vazhdueshem te anetareve te saj ne fushen e profesionit.
- te zhvilloje veprimtari shkencore ne sherbim te profesionit duke perpunuar e publikuar standarte te kontabilitetit dhe te organizimit te profesionit.

Organizimi i IKM

Organizimi dhe strukturat e IKM percaktohen ne nenet 6, 7, 8, 10, 20, 22, 25, 26 dhe 29 te Statutit.

Neni 6

Administrimi i IKM behet nepermjet organeve qe zgjidhen nga anetaret e saj, sipas procedurave te percaktuara ne kete Statut.

IKM vete financohet. Burimet per financimin e aktivitetit te saj sigurohen kryesisht nga kuotat vjetore te anetareve te saj, nga veprimtaria trajnuese, botimet, kontribute te tjera nga donatore te brendshem e te jashtem, dhe burime te tjera ne perputhje me legjislacionin ne fuqi.

Masa e kuotave vjetore te anetareve, shperblimet e anetareve te organeve drejtuese e te komisioneve dhe buxhetet vjetore, miratohen cdo vit nga Asamblea e Pergjithshme e IKM, sipas percaktimeve ne nenet 40, 49 te ketij Statuti.

Neni 7

Organet e Drejtimit dhe te Kontrollit te brendshem te IKM - se jane:

Asamblea e pergjithshme
Keshilli i Drejtimit
Komiteti i Kontrollit te brendshem
Struktura Ekzekutive
Keshilli i Kryetareve te Degeve dhe seksioneve
Organet e drejtimit te Degeve dhe te Seksioneve

Asamblea e Pergjithshme

Neni 8

Asamblea e Pergjithshme eshte organi me i larte i IKM.

Ajo perbehet nga te gjithe personat fizike, qe kane kerkuar te jene anetare te Institutit, sipas nenit 4 te ketij Statuti dhe jane pranuar si anetare te saj.

Secili anetar ka vetem nje mandat perfaqesimi dhe te drejten e vetem nje vote ne Asamblene e pergjithshme. Te drejte vote ka anetari qe ka paguar detyrimet e anetaresise te vitit ne vazhdim. Kandidatet kane te drejten e $\frac{1}{2}$ te votes.

Neni 10

Asambleja e Pergjithshme percakton drejtimet kryesore te zhvillimit te veprimtarise se IKM.

Ajo zgjedh dhe revokon anetaret e Keshillit te Drejtimit te Kontrollit te brendshem, degjon raportet e tyre, cakton kuotat e anetaresise, vendos per Buxhetin dhe llogarite, organogramen dhe cdo rregullim tjeter lidhur me organizimin profesional te parashikuar ne kete Statut.

Keshilli i Drejtimit

Neni 16

Keshilli i Drejtimit siguron drejtimin e punes te I K M ne periudhen midis dy Mbledhjeve te Asamblese, bazuar ne kete Statut, ne perputhje me aktet ligjore e nenligjore ne fuqi dhe vendimet e Asamblese se Pergjithshme, se ciles i raporton per veprimtarine e tij.

Keshilli i Drejtimit ka per detyre:

- te siguroje mbrojtjen e profesionit
 - te ndjeke respektimin e rregullave te etikes profesionale dhe ben plotesimin e tyre ne qofte se eshte e nevojshme.
 - te marre masa parandaluese te nevojshme, per te menjanuar cdo akt te natyres qe c'vlereson profesionin dhe ne rast nevojje vendos masa ose sanksionet e duhura, pavaresisht gjykimit civil apo penal.
 - te vendose per cdo ceshtje qe i interesojne profesionit te Kontabilistit te Miratuar.
 - te hartoje Rregulloren e brendshme, organogramen e IKM, te Struktures ekzekutive dhe te strukturave drejtuese ne rrethe.
 - Te siguroje administrimin e pasurise se I K M
 - Te siguroje funksionimin e rregullt te I K M dhe kordinon veprimtarine e organeve te saj.
 - te organizoje kualifikimin profesional per Deshmine "Kontabel i Miratuar", per dëshmi të ngjashme, si dhe kualifikimin e vijueshem profesional te anetareve te IKM.
 - te leshoje Deshmine "Kontabel i Miratuar" kur e lejojne dispozitat ligjore ne fuqi.
 - Te organizoje dhe ndjeke veprimtarine e Degeve dhe Seksioneve ne rrethe nepermjet struktures ekzekutive.
- Ne mbledhjet e anetareve ne rrethe per zgjedhjen e organit drejtues, ne analizat vjetore, si dhe kur kerkohet nga drejtimi Deges ose nga shumica e anetareve, Keshilli Drejtues perfaqesohet nga nje anetar i Keshillit.
- te pergatise e zbatoje buxhetin e Institutit dhe i raporton Asamblese se Pergjithshme per plotesimin e buxhetit dhe per llogarite vjetore.
 - te Perfaqesojte I K M prane organeve te drejtesise dhe te të tretet.
 - te Bashkepusoje me Ministrine e Financave, Keshillin Kombetar te Kontabilitetit, institucione dhe organizma te tjera ne fushen e kontabilitetit, te legjislacionit, kualifikimit

te vijueshem profesional te anetareve te IKM - se, etj, dhe angazhohet ne organizimin e zhvillimin e provimeve te aftesive profesionale te kandidateve per Deshmine KONTABEL i MIRATUAR.

-Bazuar ne Statutin e IKM, dhe ne vendimet e Asamblese se Pergjithshme te hartoje Programet e punes, te organizoje dhe ndjekje zbatimin e detyrave te programuara.

-Te Vendosë per krijimin e Komisioneve te punes prane Keshillit Drejtues dhe te ndjek zbatimin e detyrave perkatese.

Si rregull ne krye te cdo komisioni caktohet nje anetar i Keshillit Drejtues.

Neni 20

Presidenti perfaqeson Institutin ne marrredhenjet me te tretet. Te gjitha dokumentat qe dalin nga IKM duhet te jene te nenshkruara nga Presidenti, ose ne mungese te tij, nga Zv.Presidenti.

Presidenti dhe ne mungese te tij Zv Presidenti, mund te autorizojne anetare te IKM per lidhje kontratash me te trete ose per te perfaqesuar IKM ne maredhenje ne Institucione ose organizma te tjera.

Komiteti i Kontrollit te Brendshem

Neni 22

Komiteti i Kontrollit te Brendshem ka per detyre te verifikoje veprimtarine financiare te IKM, pajtueshmerine me aktet ligjore e nenligjore e me buxhetin te veprimeve te regjistruara ne llogari dhe rregularitetin dhe sinqeritetin e llogarive vjetore te IKM

Per verifikimet e kryera dhe rezultatet e nxjerra prej tyre, Komiteti i Kontrollit te Brendshem i paraqet raport Asamblese se Pergjithshme te IKM. Anetaret e Komitetit te Kontrollit te Brendshem nenshkruajne bashkarisht raportin. Ne rast mosmarreshjesh, secili prej anetareve paraqet veças mendimet e vleresimet ne Asamblene e Pergjithshme, e cila vendos perfundimisht.

Organizimi i drejtimit ne rrethe

Neni 25

Bazuar ne numurin e anetareve te cdo rrethi, Keshilli i Drejtimit vendos krijimin e Degeve ose te Seksioneve perkatesisht. Seksionet krijohen ne rrethe qe kane deri ne 20 anetare. Disa seksione ne afersi me njeri tjetrin mund te kerkojne krijimin e deges duke u bashkuar. Ne kete rast Pergjegjesit e Seksioneve jane njekohesisht

anetare te strukture drejtuese te Deges, pervec anetareve te rinj qe mund te zgjidhen.

Organet drejtuese te Degeve e seksioneve zgjidhen me nje mandat 4 vjecar me te drejte rizgjedhje vetem nje here, nga anetaret e deges ose seksionit me votim te fshehte.

Neni 26

Organi drejtues i deges eshte Kryesia e Deges e cila per behet nga 5 anetare, ne vartesi te numurit te anetareve qe ka rrethi ose grup rrethet ne afersi.

Struktura e Kryesise se Deges:

- Kryetar
- Zv/Kryetar
- Anetar-3 veta

Organi drejtues i Seksionit eshte Kryesia e Seksionit e cila perbehet nga 3 anetare si vijon:

Pergjegjes seksioni

- Anetar-2 veta

Zgjedhjet behen me po ato rregulla qe zgjidhet Keshilli i Drejtimit te IKM

Ne rast dorheqje, vdekje ose çdo rasti tjetër te pengimit te kryerjes se funksionit te antarit te Kryesise se Deges ose Seksionit, zbatohet procedura e zevendesimit e parashikuar ne Nenin 19, si dhe rregullat e parashikuara, per kete qellim, ne Rregulloren e hartuar dhe miratuar nga Keshilli I Drejtimit te Shoqates.

Keshilli i Kryetareve te degeve dhe te seksioneve

Neni 29

Keshilli i Kryetareve te degeve dhe te seksioneve eshte organ keshillues i Keshillit Drejtues per probleme qe jane parashikuar ne kete Statut.

Perbehet nga Presidenti, Kryetaret e Degeve dhe Pergjegjesat e Seksioneve te zgjedhur nga anetaret e cdo rrethi.

Mblidhet nje here ne tre muaj.

Thirret dhe drejtohet nga Presidenti dhe ne mungese te tij nga zv Presidenti

Perqendrohet ne analizen e veprimtarise se Degeve-Seksioneve, per probleme profesionale, te dispozitave ligjore, marredhenjet me organet tatimore, marredhenjet ndermjet anetareve, etj.

-Bazuar ne programin vjetor te punes dhe ne problemet qe dalin ne mbledhje, vendos per detyrat e degeve ne tremujorin pasardhes.

-I propozon Keshillit te Drejtimit çështje per permiresimin e drejtimit te veprimtarise se IKM, permiresimin e legjislacionit, kontabilitetit, etj.

Zgjedhja e Organeve Drejtuese te IKM.

Organet drejtuese te IKM zgjidhen ne perputhje me kriteret e parashikuara ne nenet 17 dhe 23 te Satutit.

Neni 17

Keshilli i Drejtimit perbehet nga 7 anetare dhe strukturohet si me poshte:

- President
- Zv President
- Anetar (5 veta)

Anetaret e Keshillit te Drejtimit zgjidhen nga Asamblea e Pergjithshme me nje mandat prej kater vjetesh dhe jo me teper se tre mandate radhazi.

Mbasi te jete bere zgjedhja e presidentit dhe zevendesit te tij, te cilet kane mandat 4 vjecar, anetaret e tjere renditen sipas numrit me te madh te votave dhe tre te paret kane mandat kater vjecar, ndersa dy te tjeret kane mandat dy vjecar.

Nuk mund te zgjidhen anetare te Keshillit te Drejtimit anetaret e Institutit qe:

- ne daten e mbledhjes se Asamblese rezultojne se nuk kane paguar kuotat e anetaresise.
 - per kater vitet e fundit kane munguar dy here ne mbledhjet e asamblese.
 - Jane zgjedhur Kryetare Dege ose Pergjegjes seksioni ne rrethet perkates
 - per dy vitet e fundit jane ndeshkuar me masa disiplinore nga organet drejtuese te IKM, nga organet administrative ose nga organet gjygesore.
- Zgjedhjet e anetareve te Keshillit te Drejtimit behen me votim te fshehte, ne baze te paraqitjes individuale me shkrim te kandidatures. Paraqitja e kandidatures behet prane sekretarisë se Institutit te Kontabilisteve te Miratuar, jo me vone se tre dite para Mbledhjes se Asamblese se Pergjithshme.
- Kerkesa shoqerohet me nje mbeshtetje te jo me pak se dhjete firma te anetareve te IKM. Presidenti dhe zv Presidenti zgjidhen nga mbledhja e perbashket e anetareve te Keshillit te drejtimit te zgjedhur dhe Keshillit te Kryetareve e Pergjegjesve te Seksioneve me votim te fshehte. Nga anetaret e Keshillit te Drejtimit te zgjedhur propozohen kater kandidate dhe ne baze te rezultatit te votimit, kandidati me numrin me te madh te votave zgjidhet President dhe ne vijim Zv Presidenti.
- Zgjedhjet organizohen nga një komision i përbërë prej jo më pak se 3 vetash i cili zgjidhet me votim ta hapur nga asamblea.
- Vendimi i komisionit zgjedhor për rezultatit e zgjedhjes së Këshillit Drejtues të IKM dhe të Presidentit dhe zv. Presidentit i dorezohet Kryetarit të Mbledhjes së Asamblese, i cili e shpall perpara mbylljes se Mbledhjes.
- Funksionet e tjera te Keshillit te Drejtimit caktohen nga Presidenti i tij, ne marreveshje me anetaret e Keshillit te Drejtimit.

Neni 23

Komiteti i Kontrollit të Brendshëm perbehet nga tre anetare të zgjedhur nga Asambleja e Përgjithshme, për një kohë prej katër vjetësh. Ata mund të rizgjidhen, por jo më shumë se një herë.

Zgjedhja e anetareve të Komitetit të Kontrollit të Brendshëm, bëhet me votim të fshehtë, kundrejt paraqitjes individuale të kandidatures, njëllëj si të procedurat e zgjedhjes së anetarëve të Këshillit të Drejtimit. Kryetar i Komitetit caktohet kandidati që fiton shumicën me të madhë të votave. Në rast votash të barabarta, kryetar caktohet kandidati më i moshuar.

Në rast revokimi, vdekje, dorëheqje ose çdo rasti tjetër të pengimit të anetareve të Komitetit të Kontrollit të Brendshëm, procedura e zëvendësimit është e njëjtë si për anetaret e Këshillit të Drejtimit e përcaktuar në nenin 19 të këtij Statuti.

Struktura Ekzekutive

Neni 21

Struktura ekzekutive drejtohet nga Presidenti i IKM dhe perbehet:

- Zv/Drejtor
- Sekretar-arketar
- Mbajtes i llogarive

Organigrama e strukturës ekzekutive, detyrat administrative e ekzekutive dhe marrëdhënjet e punës së saj përcaktohen në Rregulloren e funksionimit të saj, që miratohet nga Këshilli i Drejtimit.

Në këtë Rregullore, përveç të tjerash përcaktohet funksioni i organizmit të Mbledhjeve të asamblese, të Këshillit të Drejtimit, të komisioneve, organizimi i sekretarisë së Asamblese së Përgjithshme, i kurseve të kualifikimit, mbajtjes së arkës dhe të evidencës kontabel, kryerje e pagesave të autorizuara nga Presidenti ose zv Presidenti, ndjekja e veprimtarisë së Degeve dhe seksioneve, zbatimi i Programeve dhe Vendimeve të Këshillit të Drejtimit prej tyre, përgatitja nga pikepamja administrative e mbledhjeve të Këshillit të Drejtimit, dhe të mbledhjeve të Këshillit të Kryetareve të Degeve-Seksioneve.

Antarsimi

Në nenet 4, 30, 31, 33, 36, 37 dhe 40 të Statutit të IKM përcaktohen kushtet për antaresim si dhe të drejtat dhe detyrimet e çdo antari të IKM.

Neni 4

Anetar i IKM mund te jete cdo person fizik, i cili paraqet kerkese per anetaresim sipas nenit 30 te ketij Statuti.

Neni 30

Kerkesa per t'u anetaresuar ne IKM paraqitet me shkrim:

-nga profesionistet qe posedojne Deshmine "Kontabel i Miratuar", te leshuar nga nje organ i caktuar me ligj, nga IKM, ose nga organizma ekuivalente te njohur.

Kerkeses i bashkelidhet kopja e Deshmise se noterizuar, kopja e Diplomes dhe nje fotografi.

-nga kandidatet qe aplikojne per t'u paisur me Deshmine "Kontabel i Miratuar", duke i lidhur kerkeses dokumentat qe vertetojne se i plotesojne kushtet per te fituar te drejten e Deshmise "Kontabel i Miratuar".

Ne kerkese pervec te tjerave deklarohet "njohja e Statutit te IKM dhe angazhimi per zbatimin e tij".

Kerkesa specifike persa i perket dokumentacionit te regjistrimit percaktohen me vendim te Keshillit drejtues te IKM-se.

Per kerkesat e paraqitura me mangesi, u kerkohet personave te interesuar qe t'i plotesojne.

Ne rast mos plotesimi brenda nje muaji nga data e njoftimit i dergohet shkrese ku tregohen dhe arsyet e mos regjistrimit si anetar i IKM.

Neni 31

Kerkesat per anetaresim si rregull paraqiten prane Degeve ose Seksioneve te IKM, por dhe ne Sekretarine e IKM ne qender. Ne kete rast Sekretaria mbasi kryen veprimet e regjistrimit, nje kopje te kerkeses ia dergon Deges ose Seksionit perkates.

Deget ose seksionet cdo muaj kerkesat e paraqitura me dokumentacionin lidhur ia paraqesin sekretarisë të IKM, duke mbajtur kopjen e kerkeses per efekte evidentimi. Sekretaria mbasi kryen veprimet e regjistrimit, njofton me shkrim Degen ose seksionin per numrat e regjistrit te anetareve te rinj.

Neni 33

Heqja e anetaresise nga IKM behet:

Me kerkese te anetarit,

Kur anetari nuk permbush Kushtet e anetaresise,

Kryen veprime ne kundërshtim me Kodin e etikës profesionale, Statutin ose dispozitat ligjore.

Kandidati humbet të drejtën për të aplikuar për marrjen e Dëshmisë Kontabilë i Miratuar.

Neni 36

Sigurimi i ruajtjes së pavarësisë e të nderit të IKM dhe dhenja e autoritetit të duhur veprimtarisë së anëtarëve të vet, kërkon nga anëtarët:

- kompetenca e ndergjegjë profesionale,
- bindje e dinjitet,
- pavarësi morale e materjale,

Cdo anëtar i IKM bën përpjekje për zhvillimin e cilesive të mesipërme dhe zbatimin e tyre në cdo rast, madje edhe në jetën private, duke vepruar në pajtim me etikën profesionale, dispozitat ligjore e nenligjore në fuqi dhe në traditat e vendit.

Ai duhet të jetë i ndërsuem dhe i paanësuem, të karakterizohet nga miresgjellja, bashkëpunimi e ndihma reciproke me profesionistët e tjerë.

Anëtarët i IKM duhet të përpikët të zgjidhë në mirekuptim cdo mosmarrëveshje me kolegët e tij dhe nëse nuk e arrijnë këtë të njoftojë Presidentin, i cili luan rolin e arbitrit për një rregullim pajtues.

Neni 37

Anëtarët i IKM duhet të zbatojnë rregullat e kodit të etikës profesionale dhe dispozitat e këtij Statuti, vecanërisht:

- Të plotësojnë dokumentacionin e kërkuar dhe evidencat përkatëse
- Të paguajnë brenda afatëve të caktuara detyrimet e anëtarësisë
- Të plotësojnë kërkesat e kualifikimit të vijueshmë profesional të përcaktuara nga organet drejtuese të IKM.

Neni 40

Anëtarët e IKM paguajnë një kuotë profesionale vjetore:

- Kuotë Fiksë, që nuk mund të jetë më pak se 5,000 leke.
- Kuotë Variabel, e llogaritur jo më pak se 1 përqind dhe jo më shumë se 3 përqind të honorarëve bruto të marra nga shërbimet e kryera në vitin paraardhës.
- Asambleja e Përgjithshme cakton cdo vit shumën e kuotës fikse si dhe përqindjen e kuotës variable.
- Këshilli i Drejtimit cakton afatin dhe mënyrat e mbledhjes së kuotave..

Per vitin e pare te regjistrimit anetaret e rinj, paguajne Kuoten fikse e cila paguhet ne perpjestim me periudhen e mbetur deri ne fund te vitit.

Hartimi i Buxhetit dhe Llogarive vjetore (Nenet 46, 47)

Neni 46

Brenda muajit shkurt te cdo vitit, Struktura Ekzekutive (zv/Drejtori), i paraqet Keshillit Te Drejtimit:

- Llogarite vjetore per vitin e mbyllur
- Projekt buxhetin per vitin e ri.

Keshilli i Drejtimit vendos per llogarite vjetore qe do t'i paraqiten Asamblese se Pergjithshme, te cilat duhet te japin nje pamje besnike te pasurise, te gjendjes financiare e te ardhurave e shpenzimeve per vitin e mbyllur.

Te pakten dy muaj para dates se caktuar per mbledhjen e Asamblese se Pergjithshme, llogarite vjetore i jepen per verifikim Komitetit te Kontrollit te Brendshem, i cili duhet te depozitoje raportin nje muaj para dates se mbledhjes.

Llogarite vjetore, raporti i Komitetit te Kontrollit dhe Projekt buxhetit i bashkelidhen vendimit te Asamblese se Pergjithshme qe i ka shqyrtuar dhe miratuar ato.

Neni 47

Votimi i buxhetit behet per teresine e tij duke caktuar edhe kuotat perkatese per shumat e marra ne konsiderate per hartimin e buxhetit te te ardhurave.

Ne kufijte e buxhetit per te ardhurat e shpenzimet e miratuara per nje ushtrim, Keshilli i Drejtimit eshte i autorizuar te mbledhe te ardhurat e te kryeje shpenzime edhe gjate gjashte muajve te pare te ushtrimit vijues.

Teprica e te ardhurave mbi shpenzimet e cdo viti mbartet ne vitin pasardhes ose mund te kaloje ne rezerven e pergjithshme apo ne nje reserve speciale, me vendim te Asamblese se Pergjithshme. Ne rast se ne ndonje ushtrim shpenzimet rezultojne me te medha se te ardhurat, teprica kalon ne paksim te rezervave ose mbartet per ushtrimin e ardhshem, me vendim te Asamblese se Pergjithshme.